



14376

III

Moa. St. Orł

P

Warkomp.

laus


Prudek, Joan. Stanisł. Jupiter literatus Orbis  
Academicus moderator —

PANEG. et VITAE

Polon. Fol.

№ 417.







# I V P I T E R L I T E R A T V S,

OBRIS ACADEMICI MODERATOR  
Sceptrum aureum dextrâ manu, argenteum sinistrâ tenens,  
DVM

*Magnificus, Perillustis, & Admodum Reuerendus Dominus,*  
D. M. STANISLAUS  
J V R K O V V S K I

S. Theologiæ Doctor, & Professor, Præpositus S. Floriani, Custos Opatoui-  
ensis, Prothonotarius Apostolicus, Scholarum Collegij VLADISLAVIANI Pro-  
uisor, & studij GENERALIS Almæ Vniuersitatis ACADEMIÆ Cracouiensis

R E C T O R,  
felicissima Rectoratûs primordia  
auspicaretur,

*A*  
M. IOANNE STANISLAO RVDZKI P. D. & P. P.

non fine votis solennibus,

*ac*  
debitâ cum veneratione  
nuncupatis,

Aoniâ Apollinis Lyrâ,

C E L E B R A T V S.

Anno Domini 1659. IV. Idus Maij.


C R A C O V I Æ.

Apud Viduam Lucæ Kupisz, S. R. M. Typogr.





Vm singularis quædam, Magnifice, Perillustis, & Admodum Reuerende Domine Rector, diuina prouidentia, in hac senectâ mundi, atq; inclinatu seculi, Orbem Sarmaticum, ad communes regnorum occasus reuoluentem sese, benignissimâ moderetur ratione: tûm profectò, Primigenium istius Regni inclyti Athenæum, quantæ sibi curæ sit, luculenter cognouimus, dum Te Supremum Orbis Academici Moderatorem, votis omnium ac suffragijs electum, publicis cum acclamationibus accepimus. Decuit sanè, ut u sceptra Almæ Vniuersitatis amplissima assumeret, qui numine quodam afflatus diuino, iuuans Pater, indicaretur; dicam potius, IVPITER ACADEMIÆ crebris sermonibus vsurparetur. Nam si ab hominibus Apollineis, Diuûm hominûmq; Parens, appellari solet Iupiter: non iniuriâ Te conuersu casibus, non modò eam ob causam appellabimus, à iuando Iouem, quòd altissimum Ordinem Academicum, sedem illam supremam eruditarum mentium, adiuueris; verûm etiam, quòd sarculos Almæ Parentis, atq; inclyti Orbis Sarmatici, firmatâ iam stirpe virtutis, ad maturitatem perduxeris. Depradicarem hîc Tuas, in auito hoc & sacrosancto Regni Poloniæ Parnaso, sedulas lucubrationes; nisi eas non modò persequi, & commemorare scribendo, aut distinguere partiendo; sed etiam recordari cogitando, aut notare non possem obseruando. Quod ergo primum adiumentum? scilicet post obtentas, spectatissimas in monte Parnassi lauros, informandæ Ducis in OSTROG, & ZASLAW, proli illustrissimâ adiunctus, eâ laude, in illa familia amplissima florebas, quæ nunc etiam permagni interest, ad ornamenta Tua, gratiq; animi fidelem memoriam prædicandam, & habendam. Iam iusta gloria Tua, altissimû defixa radicibus, quæ est fructus veræ virtutis honestissimus, cû ore, atq; sermone omnium percrebuit, Artistarum Te nobilissimo coniunxit Collegio; atq; vbi spectata illa, ac nobilitata pectora maiorum nostrorum, vidissent insidere, eam in Te egregiam virtutis indolem, quæ noctes & dies, animum gloriæ stimulis concitaret, ad summam Te perduxerunt Collegij Maioris consociationem. O dulcissimam memoriam temporis illius! cum Tu Magnifice Vir in eam Palestram TILICIANAM incidisti, quæ iuuentutem Poloniam, studijs feruentissimam, nobilitate illustrem, indole eximiam, animo generosam, voce, motu, formâ, magnificam quodammodo, possidebat. O rem cû auditu iucundissimam, tû visu delectabilem! dum Tu Vir, ad omnia summa nate, perinde ac Hercules Gallicus, eâ Suadâ, quæ etiânum dulcescit, in cordibus nostris, generosam illam Orbis Sarmatici progeniem, traxisti victam quodammodo, vinxisti quidissimè aureum flumen orationis delibantem. Magna hæc sunt adminicula, ad integritatem, salutemq; Almæ Parentis conseruandâ, fateor. etiamne hanc ipsam vitam ACADEMIÆ, DEO DUCE, & Auspice, quam viuimus liberè. Te inspirasse negabimus? nequaquam profectò. Obstupescunt posteri certè, à Te tantam molem negotiorum, tantum pondus difficultatum, tanta momenta rerum, cum laude, & gloria, in rem Reipub. literariæ, confecta esse. Nec enim illa tua peregrinatio diutina, tua esse potius censebitur, quàm MAGNI IAGELLONIS lectissima proles, quæ vitam, in Patrio solo, antè nequaquâ habuisset, quàm vitales calitûs ferè auras, apud exterâs gentes, traxisset. Quare conscende auspiciatissimo omine, supremi fastigium honoris: fortunatus exoriare Paladi, quam de fertilissimo sapientiæ Tuæ molimine, in lucem hanc lucidissimam, eduxisti: moderare sceptro aureo, cælum hoc cælatum Professorum, eximiâ mente, & consilio præditorum: MVSAS VLADISLAVIANAS, meq; non minûs ob Tuum, erga me, toties constatam amorem, meamq; vicissim grati animi in Te pietatem; quam ob debitam mearum Camanarum venerationem, amore paterno complectere: argenteum autem, cum alterâ teneas manu, candida generosæ iuuentutis pectora, tuo regimine foue. Vos verò. ô lectissima Patria, & ACADEMIÆ Progenies, læti, & alacres, ad hoc sceptrum accurrite! eaq; delicias, quas nunc pectore flagrans, illustres animæ, Tartouiorum, Cetnerorum, Podlesciû, Roxiciû, Niemirorum, Tarnowsciorum, Gniewosiorum, Lubowiecciorum, aliorumq; Sexcentorum delibant, degustaturi accedite: felici sub regimine, Parentis studiorum vestrorum, & Prouisoris, quod vtinam diuturnum sit, votis vota nuncupando, felicissima studiorum curricula peracturi.



BIBLIOTHECA  
IAGELLONICA  
VARSAVIA



# JVPITER LITERATVS.

Non sola vastis cardinibus poli  
Suspensa moles, fulminei Patris  
Fasces adorat; nec Senatum  
Sola regit, super eminenti  
Throno Polorum, dextera calicum.  
Auro micantem, milleque iaspidum  
Flammis refulgentem Coronam,  
Parrhasiæ Pater ipse Diuæ,  
Non solus alto vertice sustinet.  
Sunt & togatis sceptrum sua, & sui  
Regesque, Patresque, & supremo  
Qui Cracium moderentur Orbem  
Nutu Monarchæ. iam perit suo  
Anus vetustas cum Ioue; numinum  
Cessere mentitæ curules,  
Ætherei mala turba tecti;  
At eruditum crescit in annuis,  
Surgitque fastis imperium, suos  
Iouesque cultu literato,  
Palladius veneratur Orbis.  
Qualem togato Te solio super  
Latè micantem, plausibus excipit,  
Stoaque, Rectorem Cathedras  
Lata nouum resonat per omnes,  
Regina pubis Sarmaticæ Parens,  
Altrixque doctæ maxima Lechiæ,  
Desideratum quem tot annis  
Esse sibi voluit Parentem,  
At ô Polonæ gemma scientiæ!  
Confecta votis corda gementibus,  
Tandem serena læta summo  
Cerne Iouem, studijque Patrem  
Cælo repostum Cracidis inclytæ.  
Hic ille Doctor, Theologiæ decus  
Primum cathedræ, prima sacræ  
IVRKOVIVS Cynosura sedis.  
Tenella cuius ZASLAVIÆ Ducum  
Parere doctis sidera nutibus,  
Orbesque circumferre claros  
Visa, per Hesperias remoti  
Oras Trionis, grandeque pignorum  
Gestasse pondus; TILICII suum

Quem



Quem rostra Praesidem, suumque  
 Barbata quem stupere Phœbum,  
 Ille & Poloni maxima Climatis,  
 Et exterarum pectora gentium,  
 Virtutis, atque literarum  
 Dotibus eximijs, in arctas  
 Leges amoris, traxerat intimi;  
 Rhenumque, Scaldimque, & Latia Tybrina  
 Decus Coronæ, Principemque  
 Ausoniae pietatis urbem,  
 Prudentiae actis attonuit suae,  
 Et purpuratos cum niuea Patres,  
 Sedis VATICANÆ Columba  
 Innocuae solioque mitra,  
 Infractus Orbem quando Academicum  
 Gestabat Atlas, parque laboribus  
 Stabat trecentis, nec susurros  
 Inuidiae timuit frementis.  
 Victrice donec iusticiâ sacram  
 Laurum referret, quâ Cracidis pios  
 Latus coronaret Penates,  
 Palladios regeretque fasces.  
 Fasces, in Orbis quos facie diu  
 Liuoris inter fulmina, gnaviter  
 Tutatus est, vetusque Musis,  
 Quod stet honos, grauitasque, fecit.  
 Ergo togati Iuppiter Ordinis,  
 Iuuansque doctæ magne Pater Rei,  
 Vertexque IVRKOVĭ, caputque  
 Palladis, emeritum prendendis  
 Laboriosi cum decus imperi,  
 Latus, secundis auspicijs dies  
 Ordire, IAGELLONIIque  
 Magnificum moderamen Orbis,  
 O Maximorum Magne Parens virum  
 Felice dextrâ suscipe. Fac tuis  
 Oliua sceptris, & togatae  
 Dulce bonum redeat quietis;  
 Annosque sceptri continuus Tui  
 Phœbus serenet. propitium velic  
 Te numen, in longum virentes  
 Fascibus adnumerare fasces.

A. M. D. G. B. M. V. O. SS. H.



7.11.24.



Biblioteka Jagiellońska



stdr0017118



